

巢經巢全集

第一函
九冊

巢經巢詩鈔後集目錄

卷第一

古今體詩六十六首

卷第二

古今體詩六十一首

卷第三

古今體詩四十六首

卷第四

古今體詩九十六首

卷第五

古今體詩七十九首

卷第六

古今體詩三十六首

外集詩一卷不計首數

先生前集以後之詩高怡樓培穀刻其半於資州唐鄂生炯於雲南鑛務署又刻其半曾取二本合併另增所獲之稿鉛印作遺詩今者方謀印全集以此冊附前集之次易曰詩鈔後集頗有增損以其中丙辰丁巳後之作不免多有齟齬蓋前者按輯時以多得爲快因之有誤入者如高本之晚望衆香山爲玉屏田榕之作又斤溪老翁歌唐本之孤雁行其氣體不類又以洪北江之九朝塘馬滾坡等詩以其爲先生手筆而誤之其醉寄湘佩三詩得原稿所署年月乃知爲自編前集時所弃去者聯句二首其一敬爲雅泉先生之作而錄之及他所見爲先生手筆有年月可考而不以入編年卷者均置之外集或有先生所改易者槩不收入以矜異獲凡茲編訂皆數經手抄得詩三百八十四首雖未及拾遺罄盡庶壬子至甲

子之作佚去者鈔矣至陳刻本取文與詩成冊而詩以高刻者爲後集以
先兄怡所抄示莫棠者爲逸詩亦未爲允惟冊前有陳序一篇今以升諸
全集之首其高唐本之序及愷前排印時所跋識均附卷末以爲此刻之
掌故云庚辰春月遵義後學趙愷編校謹識

巢經巢詩鈔後集卷一

遵義 鄭 珍 子尹

古今體詩六十六首

七月初五日家康成公生日莫邵亭釋奠於湘川書院余適攜子赴行省

以昨日宿院遂與執饌焉邵亭有詩示諸生因次其韻 以下千子

生日古未聞自晉遂不廢臧生拜庚子襲者義已碎蘇臘與屈正不出詞艷外

洪惟高密公譯聖寤千代如從聖人手親授所以裁六學文數萬一字不可殺

歷宋漸陰霏迄明乃昏昧國朝復天明絕學逸無對小子生其際門忝通德大

謹執子孫禮立北聽衆喙每惜極盛餘標新轉增怪對筵牢匪共隔半室改隘

顧守有離合何論肅毓輦 沈氏堂說士音禮夫婦吳祖孔驪軒說宮室自棟福

非鄭旨皆程易嚙諸人多以勝鄭為事 兢兢祖述心望海寄遙酌先疇敢鹵莽終歛須冀曬獨憐

孱弱嬰大懼日月邁遙懷沙邱堰一逝絕聲效 公卒於沙邱堰見水經注 二十八庚辰覽揆

存梗概

太平廣記引鄭玄列傳以永建二年七月戊寅生據後漢書順帝紀永建二年七月甲戌朔當五日得戊寅則公七月五日生也本傳以獻帝

建安五年六月卒年七十四是年歲在庚辰上朔永建二年丁卯正七十四歲從卒年到今千六百五十三年矣 行李值故人的奠匪

報賽敢辨漢宮香敬仰碑產拜

公曾註漢宮香方不止註劉洪歷爲朱子數有許多精力也公墓在高密縣西北劉宗山唐史

承節碑謂之隅阜山 躡屨棄東家珠玉幾人載吾衰顧子情塗轍慎行戒公鄉

有嘉穀識味在唇敦各飽書帶露勿負此釋菜

禮案千代唐本作千載

書周漁璜先生桐野書屋圖後圖康熙戊子作

貴州數詩家有明推雪鴻國朝二百年吾首桐野翁雪鴻宦不達桐野壽未豐

天欲文西南大筆授兩公謝詩春空雲周詩花林虹吾以兩公較尤多桐野雄

傳本少概見僅存埋臺叢陳選數十首

陳白幾選明人詩康君采作七十首惜哉四首吳澂大中舊選復去十八首

何隘胸歸愚拾傳鈔又復爲目窮

沈詩愚選別裁集錄公詩僅題淵明北窗赤壁阻風等首 窺斑固識豹執

爪豈見龍吾昔得遠條

錄入黔國者余從傳雨亭天澤孝廉所得之

竹垞不及

綜而竹垞所據其集仍未逢

未竹名明詩綜所錄吾采詩似從雪鴻堂集選者余訪此集數十年不獲 以付邵亭弟

去年成厠工雖然略蒐遺究不備始終今年事公集實惟京本從是編出公手

定次自允恭

洞野詩集公第起濂康熙乙未刻於都下即郭於宮序者詳見陳允恭序

平生傑作盡匪一華嚴鐘因

緣得吳本汪刊後施蒙

汪千波於康熙丙申刻於吳中者

復得謝令編

貴陽謝廷薰大令合桐野稼雨回青三集編本

本成在乾隆邵亭並校記亦略有異同稼雨序老晴去取見精衷

公稼雨軒近詩康熙戊子

毛奇齡序有不入桐野集者

同青都不存此意酺池通

公回青山房詩數百首無一入桐野集

邵亭欲補入吾

謂其毋庸猶惜省志傳數語完文宗吾擬詳譜狀集前明事蹤寄信板橋山

公家

下山文孫報從容果來趁秋律細詮挑明鉅惆悵絕碑誌畢然徒覓封因知籍廬

陵明初占旂龍承祧實季裔至今詩禮崇

公先口口者廬陵人明洪武間為白納長官司世世承襲居旂龍地傳口

口世生公無子以第起口子嗣

山褒展斯圖初荷亞新桐先生撫書坐爪長眼有鋒畫者攜李

沈宏題額乃京江

張玉書

繼出春耕卷名筆禹尙功野桃與溪柳沙水映碧紅生

生荷鉏去芒屨短籬東未忘茶酒與同顧擔餉童吾觀此兩圖脩然想高風手

摹桐野像復影西崦農桐陰擬刻集西崦藏巢中庶令一開卷後來增菊菊先

生江漢靈鑒余後死伺

體案原籍其集作其本去取作去舊體惜作獨幅文宗作詞宗寄信作寄訊游龍作奇龍初荷亞新作綠花

蕉竹春耕卷作春耕圖未忘二句原籍無桐野像作桐陰像又案圖為沈宏畫張京江題潤莖書屋圖五龍字先生詩在卷未注云咸豐壬子奉展漁璜先生作

莖書屋遺後學敬記卷未遵義後學珍珍

題周漁璜先生西崦春耕圖為禹鴻臚康熙戊子以坡公野桃含笑竹

籬短溪柳自搖沙水清詩意作陳弈禧題額

南明江頭秋稼黃遊子倦游憶山堂沙水竹籬忽在眼宛遇先生西崦旁先生

豈是荷鋤者蔡癸九家曾手把寫作識字耕田夫東屯下漢同瀟灑國朝全盛

不觀兵玉堂人物無愁聲釣師田父各寄意轉見當時風雅情百餘年來難再

得空展此圖坐太息九疑三湘寇紛紛日夕望下飛將軍起向先生借簑笠明

朝更綴南山雲

體案原稿觀自注去聲宛遇先生句作桐莖先生詩與長難再得作難更得東屯作居然更綴作去綴

黎壽農兆熙表弟下殺設祭雪樓舅氏和歧亭韻作詩因寬其意

百愁不一樂老味如苦汁牽手失癡弟使我嘗常濕遶觀忽慰意目瞑萬事得

天傾不知憂日既不知急兒女供繒錢親串獻魚鴨胡事歌猗來醺雞自求羈
生無益於世思之頸先赤誓買果下駒從以天下白青絲提玉壺林間醉拋幘
公猶未忘情逢楊詠當泣我吟哀杏詩徒效明月缺人生天地間孰非遠行客
不如美酒食彭宣日來集

檀案明月從高本
陳夔龍本作月明

送表弟黎篠庭

庶齋

某園

庶齋

赴禮部試

吾舅生汝兄弟遲並是天上麒麟兒少年孝秀各到手衆眼豔觀爭夥頤豈知
吾舅孝友報生前嗇取盡汝詒北風吹衣作行色相攜去射都門策歷歷吾憐
萬里途欲銜汝飛銜不得篠廷弟爾必西笑向長安艱難卽從柱蒲關男兒何
適不安穩先須心地無波瀾某園弟爾誠承明玉堂之美器他年貴仕會不免
今日風塵要磨礪大江北去煙茫茫憶昔經行傷我腸鄢陵雪片石橋月具茨
雞子黃城狼

昔隨子元舅赴北曾自石橋驛行雪中至四更追及於麗陽至宜
城桓大雪又車溺具茨山下就民家買雞子二百錢得六枚分食

之又車陷黃持山麓荒陲冷月渺無人煙但當年吾舅苦攜我千辛換得乖西
聞猿聲四噤城刀靜坐飢至明午乃出陷

費至今宿草騰荒鬣我亦窮老無復望又看汝曹試此路行矣桑蓬原四方燈
寒紙盡意不了起視照屋星煌煌

送翁祖庚同書中允畢典黔學入覲四首

北江經學後中允復聲名閣掃卷施舊門收杞梓精適教壬子歲同數去來程

落落鴻儒迹天心有送迎

陽湖洪御存先生以乾隆壬子來視黔學

程門三尺雪賤子昔嘗登勛以叔重業冀將高密承齒餘苦相假薪續究何能

或可漢童試呈麤待剪芳

鄙草說文逸字說文大旨轉注本義汗簡箋正諸稿恨俱未寫正不及奉質懼案原稿叔重下注後漢書

傳重與雙叶知可平讀

老輩驚寥落沈吟翰墨場君家老圻父今代魯靈光世學增王高惠吳師承接

漢唐乞歸道名姓他日許登堂

湘中猶艾賊湖上擁戈船小寇何難滅將軍自不前吾皇勤政理國本在才賢

到若承清問先論賣爵錢

附上翁中允書

祖庚中允先生閣下承賜敘賤稿珍以爲當抵謬臨陋教所不逮乃感飾
卷腫不啻口出若如退之所云引之使至於是則可也然駕遲日莫恐遂
不能到惟有慙汗而已敬逡授梓輒不自量由莫庭芝奉數本存記室計
先生猶屑教誨海內學人當不盡唾棄耶五年化雨膏徧山國比來學者
多知爲文宜略識字北江導古學於前先生倡小學於後陽湖教澤開我
人厚矣封軺入覲拜慶述職尤跂希顏敬夫幹勞忠獻庶太平粥布施及
荒倉區區之私竊祝此耳遙卬旌旌延江悠阻擬遣兒子走送渠復善病
中益歉然謹奉小詩四章上塵尊覽龍門路遠花潭水深此後雲泥相望
黨先生不忘樗散曲惠艾漑則他日獲附藝林粗中櫟楸亦未必非大匠
之利也肅泐寸厝恭頌輯吉敬請道安惟蘄電鑒晚生鄭珍頓首再拜

石頭山歌送邵亭還郡

玉壺酒新紅桂香石頭山色明夕陽酒酣却向石頭去碧潭霞彩搖金光大魚
來朝捲波起小魚跳弄苦不止黃葉一片隨風來疑是石頭老翁致雙鯉石頭
老翁別我知幾年石頭之上餘秋煙吾欲橫河跨海去淚痕血點霑金盤莫夫
子莫嘆息我坐石頭上爾坐石頭側百年能得幾回笑一笑焉知髮霜白挹君
襖拍君肩男兒有道天無權長歌攜手入竹去涼風颯颯吹溪干歌聲漸低心
益苦石頭蒼蒼隔煙語側身天地可奈何揮手溪頭看君去

四月十三日偕芷升登相寶山次董觀橋

教增

廉訪嘉慶癸亥九日詩韻

以下癸丑

老去登臨意尙豪萬山環翠似奔濤大風呼洶僧樓震細雨霏微石路高游本
隨心忘載酒生猶無造憶題糕昏昏兵氣蒼茫外喜未將身付馬曹

送唐子方方伯奉命安撫湖北兼寄王子壽

柏心主事

齊人託妻子而南之楚遊歸來皆凍餒對之猶歌歎况茲鄂州民公所舊噢咻

今日復何象赴採可自由盤盤大都會雄據荆陽喉街塵漲天紅笙鼓徹夜歌
當時繁富地孰非公所鳩誰放大賊來督師甘逼留鬼哭熊紅城血沸鸚鵡洲
哀哉億萬家積尸成陵邱自有此都來屠戮無比傳守臣爾何怯一死不塞尤
擲我闔城命國恩固宜優成事更何說噫乎徒淚流我皇憫遺黎每食減饕餮
詔以安撫重奪公林臥幽男兒當此時何暇爲身謀恆情頗却顧視公殊休休
乾坤有艱虞整頓須人籌不賴二三賢斯民曷由瘳凶氛蔽鍾阜惡鳥翻漸道
居然妖蝦蟆欲作長黃虬從古無皋通可以據一州連雲固北洛淮黃鞭敢投
武昌當其中握運看縱收上流捍荆樊下風臨粵甌不卽斬封象可時忘獬牛
扼重全在此成謀預宜周我公韓范姿慮能制盤繒小艸無遠志亦復萎悒憂
遠馳十二舍爲國瞻去轡魯女念園葵計日期壯猷容城王堅木胸羅萬戈矛
我讀其樞言跂望悵阻修知應抱成竹江邊遲故侯見時道問訊此意還癡不
早晚持樞具相逢黃鶴樓

玉屏簫歌

余素不解音姜丹輪蓄簫二已三十三年持來佐夜飲摩挲兩夕妙發
一二聲余與簫兩不負矣歌以贈簫

兩年吹笛繞梅花二聲妙擬伊優亞已謂入神得真性旁人笑我關琵琶此簫
大似知音人雙雙顧我求識真老夫莫得喙三尺顛倒摩弄徒傷神鐵盆暖酒
狗裘薄夜半高歌動秋壑旗亭女子世已無遠上黃河等牢落苦心愛此欲付
誰滿眼書生意無託生材不作樵與章萬牛挽去登明堂三十餘年閣箱底重
者自重傷者傷戴安道不能爲王門鼓玉琴且爲此簫揚妙音玉屏山深舞溪
遠聲在此中何處尋

輓姜丹輪

延桂

四兄二首

高本二首唐本止後一首

法家舉世岑公孝誰似此翁無幕塵羔雁不離前後守平反知活幾多人廿年
客郡交余獨重趺投期見子真舊事淒涼付流水諸君冥漠且傷神

憶昔來青比屋居朝談夕醉四年餘在官不肯尋常入積歲因之晤語疎每歎當時歡不再便爲長別恨何如干戈滿地鬚髯白泉路交期未盡虛

檄權仁懷廳學務不上

廬故歸部產鱮魚

鱮魚招不去親友笑愚公地實愁奇熱吾甯守故窮非無三兩俸自擲四年功

學官月俸銀三兩待權者約四年輪得

饑飽隨耕垵前邨杏已紅

久病

病氣寬仍劇將書展復收空知方藥妙尙切米鹽愁地僻誰相問心安或自瘳
松涼下山路兩月一經遊

聞新化鄭叔績

漢勛以貳守從徵撫江忠烈忠源

死難廬州二首

安徽失守治廬州復失廬州春已秋始悉故人能死事誰教孤憤起同仇幾千弱卒還相食咫尺諸侯各自謀威風坐隨梟鳥盡可憐何補廟堂憂

子及湘中魏源與何

紹基

同稱三傑殆無過有名亦誤人間用得死終勝牖下多

小戴世傳推熟洽穀梁早作歎銷磨一時知識看歸盡應有忠魂笑碩藎叔續說

多精確未冠時已作穀梁正義

甲寅元日 以下甲寅

三百六旬爲正朔九州四海各平人心儻得長如此世運何緣有亂萌助順師煩回紇馬經年盜據秣陵城還方且喜辛盤在隱慮空令白髮生

聞唐子方方伯正月二十三日舟至金口賊大上幕卒盡散遂投江死

處義從容見若人播州而後有名臣楚藩未老先投組天步方艱卻致身辦賊孤拳餘痛哭拊心一死報君親知羅江漢滔滔水淨洗妖塵憤始伸

四月望設位山堂奠子方爵以詩四首

去歲今朝別故關出門已判不生還令斌有託先成讖鮑信無喪獨可潛正氣但存天壤內委骸終在地球間聽歌楚些留堂眺漢郊祀歌靈安應笑真

遊子午山

公曾夢至山堂言其也宛以

太息庸臣喪國威年來中外事全非
醫官捐俸籌兵餉琴問虞歌對賊圍
束手空令忠骨棄肆凶惟見逆旗飛
江公死後吾公死更有何人繼指揮

文書何敢忘千秋事賴相扶勝自謀
墓下倫生成我老人間知已到公休
更無韓子能如棟從此通明懶下樓
寂寞蒼山風月夜夢魂相遇話時憂

孔桑無術算舟車銅臭師儒計已疎
額土封祠慚不得石田茅屋感何如
放懷世故苦流涕揮手人間甘讀書
底處桃花有源水播州猶恐未安居

選得荔波教諭

荔波漢毋歛縣地道真尹公之鄉產烟艸第一

爲口求官三十年論賞且足買山錢
千金大物方歸手

例舉貢捐教官費千金即得近日附學生亦然

八品高階等上天教澤敢承母歛水
家人已羨荔波菸乾坤漠漠干戈滿
恐此頭銜亦枉然

三女薨于以端午翼日天越六日
墓先妣兆下哭之五首

高本五首唐本無第一首

一病尋常竟誤治祇知痲瘧是初時
陽明實矣能無下前夕攻之尙可爲
悔到